

NO SOALAN : 34

PEMBERITAHU PERTANYAAN DEWAN RAKYAT

PERTANYAAN : LISAN

**DARIPADA YB DATO' HAJI MOHD ZAIM BIN ABU
HASAN
(PARIT)**

**TARIKH 15.3.2016
(SELASA)**

SOALAN:

Minta MENTERI PERTAHANAN menyatakan sudah berapa buah kapal TLDM yang terlibat dalam kejadian kebakaran terutama yang berlaku di pelabuhan Lumut, berapa kos kerugian yang dialami dan siapa yang dipertanggungjawabkan untuk membayar balik kerugian tersebut.

JAWAPAN:

Tuan Yang di-Pertua,

Sepanjang 10 tahun yang lepas, sebanyak 5 buah kapal TLDM telah mengalami insiden kebakaran. Pecahan mengikut lokasi adalah seperti berikut:

1. Jeti Operasi Pangkalan TLDM Lumut. Perak. Sebuah kapal beroperasi iaitu KD SRI INDERAPURA telah mengalami kebakaran akibat berlakunya litar pintas. Kebakaran besar ini menyebabkan aset berkenaan tidak dapat diselamatkan. Anggaran kos kerugian adalah tidak kurang daripada RM25 juta dan aset dilupuskan.

2. Limbungan Boustead Naval Shipyard Sdn Bhd (BNSSB). Lumut. Perak. Kebakaran kecil telah berlaku ke atas tiga buah kapal yang sedang menjalani pembaikan kecemasan dan rutin pasang pulih di limbungan. Anggaran jumlah kos kerugian adalah sebanyak RM40 ribu dan semuanya di bawah tanggungjawab limbungan.

1. Limbungan Malaysia Marine & Heavy Engineering (MMHEL
Pasir Gudang, Johor. Kebakaran besar berlaku ke atas kapal KD MUTIARA yang sedang menjalani rutin pasang pulih di limbungan. Anggaran kos kerugian adalah RM50 juta dan di bawah tanggungjawab limbungan.

